

## ԱՐՁԱՆԱԳՐՈՒԹՅՈՒՆ N 6

### «ՀՀ ՆԳՆ ԷԱՃԱՊՁԲ-2026/ԱԽ-25» ծածկագրով գնման ընթացակարգի գնահատող հանձնաժողովի նիստի

Նիստի անցկացման՝

ՀՀ ներքին գործերի նախարարություն (ք. Երևան, Նալբանդյան 130 հասցեում,), 403 սենյակ ,  
-օրը՝ 16.04.2026թ.-ժամը՝ 15:00

Մասնակցում էին՝

Հանձնաժողովի նախագահ

Բ. Վարդազարյան

Հանձնաժողովի անդամներ

Մ. Գաբրիելյան, Ս. Սիրադեղյան

Հանձնաժողովի քարտուղար

Ա. Խաչատրյան

### 1. Տեղեկություններ ընթացակարգի մասին

1.1 «ՀՀ ՆԳՆ ԷԱՃԱՊՁԲ-2026/ԱԽ-25» ծածկագրով ընթացակարգի (այսուհետ՝ Ընթացակարգ) հայտերի բացման և գնահատման նիստի արդյունքում «ՍԵՎ-ԱՐՏ ԳՐՈՒՊ» ՍՊ ընկերությունը և «ԷՏԱԼՈՆ ԳՐՈՒՊ 20» ՍՊ ընկերությունը /կոնսորցիում/ գնահատող հանձնաժողովի՝ 2026 թվականի ապրիլի 10-ի որոշմամբ Ընթացակարգի 1-ին չափաբաժնի մասով ճանաչվել է ընտրված մասնակից:

Գնահատման արդյունքում հանձնաժողովի կողմից «ՍԵՎ-ԱՐՏ ԳՐՈՒՊ» ՍՊ ընկերության և «ԷՏԱԼՈՆ ԳՐՈՒՊ 20» ՍՊ ընկերության /կոնսորցիում/ ներկայացրած հայտում արձանագրվել են հրավերի պահանջների նկատմամբ անհամապատասխանություններ<sup>1</sup>, ուստի, հիմք ընդունելով ՀՀ կառավարության 2017 թվականի մայիսի 4-ի թիվ 526-Ն որոշմամբ հաստատված կարգի (այսուհետ՝ Կարգ) 41-րդ կետը<sup>2</sup>, հանձնաժողովը մեկ աշխատանքային օրով կասեցրել է նիստը: Միաժամանակ, քարտուղարը նույն օրը՝ 2026 թվականի ապրիլի 10-ին, «eauction.armeps» համակարգի միջոցով ավտոմատ ծանուցմամբ «ՍԵՎ-ԱՐՏ ԳՐՈՒՊ» ՍՊ ընկերության և «ԷՏԱԼՈՆ ԳՐՈՒՊ 20» ՍՊ ընկերությանը /կոնսորցիում/ ներկայացվել է արձանագրված անհամապատասխանությունները՝ առաջարկելով

<sup>1</sup> հայտում առաջարկվող ապրանքների նկարագրության մեջ ապրանքի ֆիրմային անվանումը, ապրանքային նշանը, մակնիշը և արտադրողի անվանումը ամբողջությամբ լրացված չէ, ինչպես նաև տեխնիկական բնութագիրը չի համապատասխանում հրավերով սահմանված պահանջներին:

<sup>2</sup> եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

մինչև նիստի կատեցման ժամկետի ավարտը, այն է՝ 2026 թվականի ապրիլի 13-ը, շտկել դրանք:

«ՍԵՎ-ԱՐՏ ԳՐՈՒՊ» ՍՊ ընկերությունը և «ԷՏԱԼՈՆ ԳՐՈՒՊ 20» ՍՊ ընկերությունը /կոնսորցիում/ նշված ժամկետում ներկայացրել է շտկված հայտը, սակայն հանձնաժողովի կողմից հայտի ուսումնասիրության արդյունքում՝ 2026 թվականի ապրիլի 16-ին անհամապատասխանություն է արձանագրվել, մասնավորապես՝ նշված չէ տեղեկություն ճնշման կարգավորման համակարգի աշխատանքի վերաբերյալ (սառույցով թէ առանց սառույցի), պանորամային դիմակ (180° դիտման անկյուն) EN 136 ստանդարտին համապատասխանություն, հավաքածուի մեջ ներառված է առնվազն մեկանգամյա օգտագործման քիմ. կլանիչ՝ նյութով, թէ ոչ և նշվել է հետևյալ ստանդարտները (ԳՈՍՏ/ISO 9001-2011 / ISO 9001:2015-որակի կառավարման համակարգ, շնչառական պաշտպանության միջոցներ, ԳՈՍՏ12.4.041-2006 - ընդհանուր պահանջներ և փորձարկման մեթոդներ, ԳՈՍՏ12.4.034-2016 - շնչառական պաշտպանության միջոցներ, դասակարգում և պիտակավորում, ԳՈՍՏ Ռ ԵՆ 136-2010 - դեմքի դիմակներ, գազի բալոններ, ԳՈՍՏ Ռ 55989-2014, ԳՈՍՏ949-73 - Պողպատե անխափան բալոններ), որոնք նշված չեն հրավերով սահմանված տեխնիկական բնութագրում:

Ուստի հիմք ընդունելով Կարգի 42-րդ կետով սահմանված իրավակարգավորումը, այն է՝ *եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: **Հակառակ դեպքում տվյալ մասնակցի հայտը գնահատվում է անբավարար և մերժվում է,** ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը, գնահատող հանձնաժողովի կողմից «ՍԵՎ-ԱՐՏ ԳՐՈՒՊ» ՍՊ ընկերության և «ԷՏԱԼՈՆ ԳՐՈՒՊ 20» ՍՊ ընկերության /կոնսորցիում/ կողմից ներկայացված հայտը մերժվել է, և այդ հանգամանքը Կարգի 32-րդ կետի 19-րդ ենթակետի իմաստով որակվել է, որպես գնման գործընթացի շրջանակում ստանձնված պարտավորության խախտում:*

Ուստի, հիմք ընդունելով Կարգի 42-րդ կետով սահմանված իրավակարգավորումը, համաձայն որի՝ *եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: **Հակառակ դեպքում տվյալ մասնակցի հայտը գնահատվում է անբավարար և մերժվում է,** ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է*

ճանաչվում հաջորդող տեղ զբաղեցրած մասնակիցը, գնահատող հանձնաժողովը մերժում է «ՍԵՎ-ԱՐՏ ԳՐՈՒՊ» ՍՊ ընկերության ներկայացրած հայտը:

1.2 Հաշվի առնելով այն «Գնումների մասին» օրենքի 32-րդ հոդվածի 2-րդ մասի 2-րդ կետը, այն է՝ մասնակիցը վճարում է հայտի ապահովումը, եթե նա՝ խախտել է գնման գործընթացի շրջանակում ստանձնած պարտավորություն, որը հանգեցրել է գործընթացին տվյալ մասնակցի հետագա մասնակցության դադարեցմանը, կձեռնարկվեն քայլեր «ՍԵՎ-ԱՐՏ ԳՐՈՒՊ» ՍՊ ընկերության և «ԷՏԱԼՈՆ ԳՐՈՒՊ 20» ՍՊ ընկերության /կոնսորցիում/ կողմից ներկայացված բանկային երաշխիքի ձևով հայտի ապահովումը գանձելու ուղղությամբ:

Ընդունվել է որոշում՝ կողմ -3, դեմ - 0:

## 2. «ՀՀ ՆԳՆ ԷԱՃԱՊՁԲ-2026/ԱԽ-25» ծածկագրով գնման ընթացակարգը չկայացած հայտարարելու մասին

2.1 ՀՀ ՆԳՆ ԷԱՃԱՊՁԲ-2026/ԱԽ-25 ծածկագրով գնման ընթացակարգը համարվում է չկայացած, քանի որ հայտ ներկայացրած մասնակցի փաստաթղթերը ենթակա են մերժման՝ ուստի գնահատող հանձնաժողովը, հիմք ընդունելով «Գնումների մասին» ՀՀ օրենքի 37-րդ հոդվածի 1-ին մասի 1-ին կետը, գնման ընթացակարգը հայտարարում է չկայացած և «Գնումների մասին» ՀՀ օրենքի 10-րդ հոդվածի 4-րդ մասի 2-րդ կետի համաձայն՝ անգործության ժամկետ է սահմանվում գնման ընթացակարգը չկայացած հայտարարելու մասին հայտարարությունը հրապարակվելու օրվան հաջորդող օրվանից մինչև 10-րդ օրացուցային օրը ներառյալ ընկած ժամանակահատվածը:

2.2 Հաստատել ընթացակարգի չկայացած հայտարարելու հայտարարության տեքստը:

Ընդունվել է որոշում՝ կողմ -3, դեմ - 0:

### Հանձնաժողովի նախագահ՝

Փ/Ծ գնդապետ



Բ. Վարդապետյան

### Հանձնաժողովի անդամներ՝

Փ/Ծ գնդապետ



Մ. Գաբրիելյան


Փ/Ծ մայոր



Ա. Սիրադեղյան

### Հանձնաժողովի քարտուղար՝

ՏՎ ԳՀ ավագ մասնագետ



Ա. Խաչատրյան